



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CCCLXXVIII. Das Kloster zum heil. Geist bei Salzwedel gestattet einem
Bewohner von Perwer einen Rentenverkauf, am 24. August 1456.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

CCCLXXVIII. Das Kloster zum heil. Geist bei Salzwedel gestattet einem Bewohner von Perwer einen Rentenverkauf, am 24. August 1456.

Wy gherardus Appeldorn, prouest vom Hilghengheste vor Soltwedel in deme stichte to verden, bokenne apenbar tughende in dessem bryue, dat wylke olflegher, in deme perwer wonastigh, vnles gadefhufes man, heft vorwillet vnd vorkofft eyne mark penningh soltwedelscher weringe jarliker ghulde vnd rente vpe sin Hus vnd acker, in deme perwer boleghen, vor vestlein mark penningh der suluen weringhe deme boscheiden Symon schulten, borger der oldenstat soltwedel. Desse vorseuen mark penningh schal vnd wyl desse vorseuen wylke olflegher vtgheuen alle jar in desser wyse: to Sunte mychabel daghe ver schillingh, to winaghten ver schillingh, to paschen ver schillinge, to Sunte Johannis daghe in deme sommer ver schillinge dessem vorseuen symon schulten wol to willen vnd to danke. Dogh so heft desse vorseuen Symon schulte dessem vorseuen wylken olflegher effte sinen eruen toliadet myt gudem wyllen eynen wedderkop in desser wyse, wan wylke olflegher effte sine eruen dessem wedderkop vorkundighen desseme vorseuen symoni schulten vpe Sunte Johannis daghe in deme sommer, So magh desse vorseuen wylke olflegher vnd scal vtgheuen vestlein mark penningh vpe dat neghest tokamende fest mychabelis. Wan desse botalinge also sy gheschen, So schal desse vorseuen mark penningh desseme vorseuen wylken olflegher effte sinen eruen ledigh vnd los sin. Des to grotter bowilinghe vnd kantnisse hebbe yk vorseuen gherardus appeldorn dessem bryf boseghel myt mynem prauestien Inghefeghel, de ghescreuen vnd gheuen is na der bord cristi vertein hondert, darna in deme ses vnde veflighesten Jare, in Sunte Bartolomeus daghe des hilghen apostels ihesu cristi etc.

Nach dem Original des Salzw. Archives XXXV, 38.

CCCLXXIX. Der Rath der Altstadt Salzwedel vergleicht sich mit der Elendengilde über die bürgerlichen Lasten einer Bude, im Jahre 1456.

Wy Hanns alingstede, Claws moller, wilhelm bormeister, Claws rekelnick, Ermbrecht scher-necow, kersten boddenstede, tide hanns wolter, Borchard bode, kersten schulten, tide boeck, didrik lagendorpp, hinrick gladegow, tide wolter wolters, hoyer berteldes, Steffen schulten, wycherd schermer, hennig cramer vnd hanns boeck, Radmanne to Soltwedell, Bekennen vnd betugen apenbar mit dissem brieue vor allzweme, dat wie vnns mit dissen hir nageschreuen vnnsen leuen medeborgern vnd vorstendern vnd ghildemeistern der elendegilden in vnser der Olden Stad Soltwedell vm eyne boden, der genannten gilden togetekend, guliken vnd woll vnderandern vordragen vnd an beiden syden bewillet hebben, Also dat vnns die genannten ghildemeister von der genannten eren kleynsten boden, by Arnd ieggeleuen erue belegen, alle Jar vor schott, wacht vnd alle annder stadplicht scholen entrichten vnd betalen vf funte mertens dach viff schillinge penninge, dar vor schullen sy vnd ere nakomere vorgeannte bode quid vnd sunder Jenigleie stadplicht in-